



ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«10» մայիսի 2016 թ.

N 219-Ն

ք.Ստեփանակերտ

ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ՄԻ ՇԱՐՔ ՇՐՋԱՆՆԵՐՈՒՄ 2016 ԹՎԱԿԱՆԻՆ ՄՈԼԱԽՈՏԱՅԻՆ ԲՈՒՍԱԿԱՆՈՒԹՅԱՆ ԴԵՄ ՊԱՅՔԱՐԻ ԿԱԶՄԱԿԵՐՊՄԱՆ ԿԱՐԳԸ ՀԱՍՏԱՏԵԼՈՒ ԵՎ ՖԻՆԱՆՍԱԿԱՆ ՄԻՋՈՑՆԵՐ ՀԱՏԿԱՅՆԵԼՈՒ ՄԱՍԻՆ

Հիմք ընդունելով «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածն ու «Բյուջետային համակարգի մասին» Լեռնային Ղարաբաղի Հանրապետության օրենքի 20-րդ հոդվածի 3-րդ մասը և ելնելով հակահրդեհային անվտանգության ապահովման պահանջներից՝

Լեռնային Ղարաբաղի Հանրապետության կառավարությունը **ո Ր Ո Շ ՈՒ Մ է.**

1. Հաստատել Լեռնային Ղարաբաղի Հանրապետության մի շարք շրջաններում 2016 թվականին մոլախոտային բուսականության դեմ պայքարի (այսուհետ՝ պայքար) կազմակերպման կարգը՝ համաձայն N 1 հավելվածի:

2. Լեռնային Ղարաբաղի Հանրապետության ֆինանսների նախարարությանը՝ Լեռնային Ղարաբաղի Հանրապետության 2016 թվականի պետական բյուջեով նախատեսված Լեռնային Ղարաբաղի Հանրապետության կառավարության պահուստային ֆոնդի միջոցներից հատկացնել 30 000 000 (երեսուն միլիոն) ՀՀ դրամ՝ համաձայն N 2 հավելվածի:

3. Սահմանել, որ՝

1) պայքարի իրականացման պատասխանատուներ են հանդիսանում Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն), Լեռնային Ղարաբաղի Հանրապետության կառավարության առընթեր արտակարգ իրավիճակների պետական ծառայությունը (այսուհետ՝ ծառայություն) և Լեռնային Ղարաբաղի Հանրապետության Ասկերանի, Հադրութի,

Մարտակերտի, Մարտունու և Քաշաթաղի շրջանների վարչակազմերը (այսուհետ՝ շրջանների վարչակազմեր)։

2) պայքարն իրականացվում է օպերատիվ կարգով՝ շուրջ 1750 հեկտար տարածքի վրա։

4. Շրջանների վարչակազմերին՝ պայքարի ավարտից հետո՝ տասնհինգօրյա ժամկետում, նախարարություն ներկայացնել տեղեկություններ՝ Լեռնային Ղարաբաղի Հանրապետության տարածքում գործող մեքենատրակտորային կայանների կամ անհատ մեխանիզատորների հետ կնքած ծառայությունների մատուցման պայմանագրերի վերաբերյալ։

5. Նախարարությանը և ծառայությանը՝ պայքարի ավարտից հետո՝ մեկամսյա ժամկետում, Լեռնային Ղարաբաղի Հանրապետության կառավարություն ներկայացնել հաշվետվություն՝ կատարած աշխատանքների և իրականացրած միջոցառումների մասին։

6. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ գործողությունը տարածվում է 2016 թվականի ապրիլի 1-ից հետո ծագած հարաբերությունների վրա։

**ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ**

Ա. ՀԱՐՈՒԹՅՈՒՆՅԱՆ

ԿԱՐԳ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՄԻ ՇԱՐՔ ՇՐՋԱՆՆԵՐՈՒՄ 2016 ԹՎԱԿԱՆԻՆ ՄՈԼԱԽՈՏԱՅԻՆ ԲՈՒՍԱԿԱՆՈՒԹՅԱՆ ԴԵՄ ՊԱՅՔԱՐԻ ԿԱԶՄԱԿԵՐՊՄԱՆ

1. Սույն կարգով կանոնակարգվում են Լեռնային Ղարաբաղի Հանրապետության մի մարք շրջաններում 2016 թվականին ցանքատարածքներին հարակից հրդեհավտանգ տարածքներում և դեպի ցանքատարածքներ տանող ճանապարհների եզրերին առատ տեղումների հետևանքով փարթամորեն աճած մոլախոտային բուսականության դեմ պայքարի (այսուհետ՝ պայքար) կազմակերպման հետ կապված հարաբերությունները:

2. Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) համակարգում է պայքարի կազմակերպման աշխատանքները:

3. Հերբիցիդի սրսկման աշխատանքներն իրականացնելու համար նախատեսված անհրաժեշտ ֆինանսական միջոցները տրամադրվում են Լեռնային Ղարաբաղի Հանրապետության մի շարք շրջանների վարչակազմերին (այսուհետ՝ վարչակազմեր)՝ հիմք ընդունելով վարչակազմերի և Լեռնային Ղարաբաղի Հանրապետության տարածքում գործող մեքենատրակտորային կայանների կամ անհատ մեխանիզատորների միջև կնքված ծառայությունների մատուցման պայմանագրերը:

4. Պայքարի իրականացման համար անհրաժեշտ հերբիցիդի, նախարարության կողմից վերահսկողական աշխատանքների իրականացման համար անհրաժեշտ անհատական պաշտպանության միջոցների, վառելիքի, բենզինային սրսկիչների և այլ նյութերի ձեռքբերումն իրականացնում է նախարարությունը:

5. Ձեռքբերված հերբիցիդի տրամադրումն վարչակազմերին իրականացվում է նախարարության «Բույսերի պաշտպանության ծառայություն» պետական ոչ առևտրային կազմակերպության (այսուհետ՝ կազմակերպություն) միջոցով:

6. Լեռնային Ղարաբաղի Հանրապետության կառավարությանն առընթեր արտակարգ իրավիճակների պետական ծառայությունը կազմակերպում է հերբիցիդի սրսկման աշխատանքների իրականացման համար անհրաժեշտ ջրի տեղափոխումը համապատասխան տարածքներ և այլ անհրաժեշտ աշխատանքներ:

7. Կազմակերպության մասնագետների կողմից պայքարի իրականացման ողջ ընթացքում կատարվում են հրահանգավորման և մոնիթորինգի աշխատանքներ:

8. Հերբիցիդի սրսկումների արդյունքում հրդեհավտանգ տարածքները պետք է բաժանվեն առանձին հատվածների, որը հնարավորություն կստեղծի հնարավոր հրդեհները տեղայնացնել և մարել նվազագույն ֆինանսական միջոցներով ու մարդկային ռեսուրսներով:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ**

Լ. ԳՐԻԳՈՐՅԱՆ

**ԼԵՈՒԱՅԻՆ ԴԱՐԱՔԱԴԻ ՀԱՆՐԱՊԵՏՈՒԹՅԱՆ ՄԻ ՇԱՐՔ ԵՐԶԱՆՆԵՐՈՒՄ 2016 ԹՎԱԿԱՆԻՆ
ՄՈԼԱԿՈՏԱՅԻՆ ԲՈՒՍԱԿԱՆՈՒԹՅԱՆ ԴԵՄ ՊԱՅՔԱՐԻ ԻՐԱԿԱՆԱՑՄԱՆ ՀԱՄԱՐ
ԱՆՀՐԱԺԵՏ ՖԻՆԱՆՍԱԿԱՆ ՄԻՋՈՑՆԵՐԻ ԾԱԽՍՄԱՆ ՈՒՂՈՒԹՅՈՒՆՆԵՐԸ**

Հ/Ի	Անվանումը	Հերթիցիցի ձեռքբերում		Հերթիցիցի տրամադրում ձևով	Մրտվելո տարածքը		Մեծատրամ պաշտպանության վիչուցների, վառելիքի, բնեղնային պակցների և այլ նյութերի, սըխտամրներ ձեռքբերման համար տրամադրվելո գումար (հաշար ՀՀ դրամ)	Քրի տնդրախրում համարատախր ան տարածքներ և այլ անդրախրա սըխտամրներ (հաշար ՀՀ դրամ)	Հրատնդրախրման և մեղք սըխր սըխտամրների համար տրամադրվելո գումար (հաշար ՀՀ դրամ)	Ընդամենը ստանալո գումար (հաշար ՀՀ դրամ)
		Բանակը ձևով	Արեղը (հաշար ՀՀ դրամ)		Մ ակերեղ (նեղրամ)	Արեղը (հաշար ՀՀ դրամ)				
1	Լեռնային Դարաքաղի Հանրապետության զոլղախտնետության Նախարարություն	7000,0	191 50,0				2000,0			21150,0
2	Լեռնային Դարաքաղի Հանրապետության կառավարության աղղնր եր արտակարգ իրավիճակների պետական ծառայություն							2000,0		2000,0
3	Լեռնային Դարաքաղի Հանրապետության զոլղախտնետության Նախարարության «Բ ոյսերի պաշտպանության ծառայություն» ՊՈ ԱԿ								1000,0	1000,0
4	Լեռնային Դարաքաղի Հանրապետության Ասկերանի շրջանի վարչակազմ			1000,0	2 50,0	112 5,0				1125,0
5	Լեռնային Դարաքաղի Հանրապետության Հաղղոլի շրջանի վարչակազմ			800,0	200,0	900,0				900,0
6	Լեռնային Դարաքաղի Հանրապետության Մարտակերտի շրջանի վարչակազմ			1000,0	2 50,0	112 5,0				1125,0
7	Լեռնային Դարաքաղի Հանրապետության Մարտունու շրջանի վարչակազմ			1200,0	300,0	1350,0				1350,0
8	Լեռնային Դարաքաղի Հանրապետության Քաշար աղի շրջանի վարչակազմ			1200,0	300,0	1350,0				1350,0
9	Պահուստ			1800,0	4 50,0					
ԸՆԴԱՄԵՆԸ		7000,0	191 50,0	7000,0	17 50,0	3850,0	2000,0	2000,0	1000,0	30000,0

ԼԵՈՒԱՅԻՆ ԴԱՐԱՔԱԴԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱԵԽԱՏԱԿԱԶՄԻ
ԴԵԿԱՎԱՐ-ՆԱԽԱՐԱՐ

Լ. ԳՐԻԳՈՐՅԱՆ